

HISTOIRE DV ROYAVME DE TVNQVIN,

ET

DES GRANDS PROGREGZ
QVE LA PREDICATION
DE L'EVANGILE Y A FAITS
en la conuersion des Infidelles.

Depuis l'Année 1627. iusques à l'Année 1646.

COMPOSEE EN LATIN

Par le R. P. ALEXANDRE DE RHODES, de la
Compagnie de IESVS.

ET TRADVITE EN FRANCOIS

Par le R. P. HENRY ALBI, de la même Compagnie.



A LYON,

Chez IEAN BAPTISTE DEVENET, en rue
Merciere, à la Croix d'Or.

M. DC. LI.

AVEC PRIVILEGE, ET APPROBATION.

4002
103


les loüa grandement , & voulut que tout le fruit de l'arbre luy fust gardé.

Les Cannes remplies de miel, & de sucre y sont fort communes ; mais comme les Tunquinois n'ont pas l'art de purifier le sucre, il y est tout noir ; encore qu'il ne laisse pas pour la couleur d'estre estimé, & recherché, particulièrement des Iaponois.



Des Animaux qui se treuvent plus communement au Royaume d'Annan.

C H A P I T R E X V.

E Royaume abonde en Cheuaux, de belle & nerueuse taille , bons à la main, & de si bonne nature qu'on les peut dresser , & rendre bien allans, en toutes les façons que l'on veut. Il nourrit encore quantité de bœufs grands , & massifs, dont la chair est fort bonne , & agreable au manger. La chair de Pourceau y est aussi extremement commune, bonne , & saine ; de sorte qu'il ne se fait iamais de festin , mesme aux maisons de ceux qui n'ont pas de grands moyens, où il ne se tuë vn Pourceau, pour en traiter les conuiczs. Les Buffes y sont extraordinairement hauts , & releuez d'espaules, robustes, & grands traualleurs; de façon qu'vn seul suffit à tirer la charruë, encore que le coutre entre bien auant dans la terre ; & la chair mesme n'en est pas des-agreable, encore que celle du bœuf y soit plus commune , & meilleure.

Pour les Elephans, qui sont dans tout le Royaume

estoyent capables de les porter ; & ayâts reconnu qu'elles n'estoyent pas assés fortes, auoir cherché vn autre chemin , sans pouuoir estre contrainsts de passer sur ce pont. Il y en eust vn attaché à vne place de la Ville, contre lequel quelques enfans en ioüant tiroient des pierres, & puis se cachoyent ; dequoy l'Elephant irrité amassa les pierres qu'il peut attrapper avec sa trompe qui luy sert de main, & ayant veu paroistre vn de ces enfans , luy en rejeta vne si droittement, & avec tant de roideur, que si l'enfant ne se fust habilement caché, & retiré derriere vne muraille, il l'eust grieuement blessé. On raconte de ces Elephans , & de leur docilité, beaucoup d'autres choses plus émerueillables que ie n'ay pas veüs, & ie ne dys rien icy, que ce que i'ay veu.

Du Rhinoceros , que les Portugais appellent *Bada*, ie n'ay veu que la teste d'vn , que l'on auoit recentemente tué dans vn bois , laquelle deux puissans soldats auoyent peine de porter sur les épaules, & que ie iugeay à la veüe deux fois plus grosse que celle d'vn grand Elephant. Je mangeay encore de sa chair , qui me sembla plus delicate, & agreable au goust, que d'aucune autre venaison, ou gibier que i'aye iamais mangé. On tient que de cét Animal la Chair , la peau, les os , & principalement les dents, les ongles, & les cornes , seruent d'excellent Antidote à tous les venins.

Les Chasseurs prennent quelquefois dans les bois des Chats sauages extremement noirs, & petits, desquels les Tunquinois font tât d'estat, qu'ils en font aussitost present au Roy, & aux plus grands Seigneurs. Ils